

QUÆSTIO MEDICA

CARDINALITIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 9. Martij.

M. RAYMUNDO FINOT

DOCTORE MEDICO, PRÆSIDE.

An fructus vino temperati salubriores?

I.

FRUCTUUM non una ratio, quod vetustatis labem tardius quidam recipiant, ad reponendum idonei, quidam fugaces, post paucos dies in fastidium ituri; hi tamen iis qui lautius vivunt, in delitiis, majorique semper in honore habiti, utque primum homini alimentum, sic mitioribus succis voluptatem primi cibis attulerunt; quorum si species in colore elegantiam, nullum cibi genus blandius oculos excipit, ceu purpureo ceu mixto rosis candore induantur; si in gustu pretium, nullum sapore suaviori palatum ferit, ceu vinosus illis, ceu dulcis, ceu aquosus fuerit succus; si in odore miracula, nullum dulciorem odoris vim naribus afflat, ceu dilutum ceu vibrent acutum. Inter pretiosa hæc terræ munera, famæ sunt commendatioris fraga, mala persica, pyra, & divino spumantes nectare ficus; *melai*, quarum gratiam vel ipsa arguit procax sycophantarum natio; Quibus summo suo jure accedunt melopepones: Idque fructus *ææius* præ solidioribus cibis præcipue commendat, quod in his omnibus fere abundet aliquid peregrini quod coctionis æstu dissilit affertque corpori varias offensarum causas; Fructibus vero natura refrigeratrix, humorum feritatem mitigandæ, minuendæ bili, faciendæque cibi appetentiæ, magnifice utilis, arthriticis, nephriticis, hypochondriacis accomodata, alimentum in medicamento, medicamentum in alimento corpori præbet: hinc utendi non una lex; Intere est an rite maturi, an aquæ merive potu excipiantur; quantumque discriminis inter hæc inest, tantum inesse sciendum est inter eamquam fructus afferunt salubritatem.

II.

SALUBRITAS alimenti, coctionis integritate & innati conservatone caloris continetur, ut salubrius æstimetur illud quod & felicius co-

quirit & caloris temperiem tuetur certius. Calor hic visceribus naturā plurimus inhæret; scilicet in his velut in officinis peragitur alimenti coctio caloris ope, sed in humido, quo fufum leniter alimentum soluitur in succum mollem & temperatum, si molle illud & temperatum humidum fuerit, ne usquam accens; sin æstuofum acre & fervens, tunc percunt caloris blanditiæ, perit mollities succorum, horumque tenuis quæque particula vi discedens, in illud præter naturam excrementum abit, in quod abire apta natura est, ceu valeat terra caligine cerebrum confopire, ceu ignis thoracem aculeis pun gere, ceu ustulata magis, imis hæreat viscerum tubulis, ibique midulando vitium ingeminet: hinc plurima illa hypochondriacorum, plurima hocce seculo bilioforum seges, quo variis obsoniorum præstigiis necessario alimento delicias quisque miscet, nec tam valetudinis quam voluptatis negotium agit dum cibum capit; vides, qui cupis salubrius alimentum efficere, quanti sit ponderis coquenti calori humido temperato blandiri! blanditur fructuum benignitas aquæ tepori commissa; horum natura quid aliud est quam aquea concretio quæ cum humidi mississimi æreique plurimum in se habeat, calorem dum mulcet alit; horum tepentes succi, squaliores præcordiorum temperant, arcent malignos halitus, tenues & efferos humores ligant, tostos & contumaces emolliunt, diluunt & ad fluendum comparant; ac, ubi majoribus admissi venis, sanguinis ceu æstu nimio ceu atræ bilis acore in ferum *torrens* liquefcentis luxuriam frænant & coërcent. Tot fructuum beneficia dulce provehit aquæ ingenium, quæ vini perderet præceptis in acorem indoles.

III.

MA X I M A bonæ valetudinis pars in aqua, in vino minima. Hoc artis in nulla parte operosioris, illa naturæ potius; dives opis natura suæ, quantoque natura arte nobilior, tanto intra naturæ fines viventi aqua vino salubrior. Hæc fenescit frigus tepore suo mulcet, juvenutis incendia frigore moderatur. Vinum non tam alimentum quam medicamentum, spirituosâ qua micat substantiâ fugientes colligit vires, sed æscenscente, quotorum circumfluit succo, inæstuat præcordiis, pectusque morsu tentat: hinc vinum jejunos bibere noxiū; vacuis committere venis, nil nisi lene decet; acceptum ventriculo mirum quantum coctionis impatiens, fervet illico, fervent & ichores in vacuum ventrem undique confluentes; tunc evolat ad caput, spargitque non mitigatum virus in venas, quo solutus in serum sanguis alendis partibus fit *αἷμα ὑγιεινόν*, anxique Rheumatismi futurus parens. Qui præter vinum non aliud vitæ præmium intelligunt, negant probandum esse nisi quod quatuor sensibus placeat oculis, naribus, palato, auribus. Tibi sit merum innocens nullum, innocentius quodcumque ignobilius; temperatum quoque ancipitis eventus, adfuit enim vinum temperaturis, fontes duo, voluptatis alter, alter prudentiæ; in hoc auxilium, latitat in illo venenum: presso solidioribus cibus ventriculo uti modico vino propter stomachum fas & jura medica sinunt, sed nasquam committendum ut placidis coeant immixta, ut efficiunt qui blandiores fructuum succos vino miscunt; fructus, succi, quo refrigerent ubertate gaudent sed ea lenitate temperati, ut

875

illi quo vita nostra continetur humori³ plurimà sit affinitate conjunctus: at vino qui succus inest, igneus est, acer & helluo, quidquid est in illis humidi vel fervore accendit vel acuit acredine.

I V.

QUAMQUAM sint fructus tum ingenita suavitate mitissimi, tum quod blandos ab homine sapores discunt, dum per varia arborum adulteria ramisque muro applicitis, bis solem recipientes, fiunt verius quam nascuntur: his tamen vel dulcedine præcipuis, subest *ἡνίκῃς τῆς τῆς*, estuosum quid *ῥῆσας ἔν τῷ μῶσαι* paratissimum: hinc cum multis vino carendum esset, excogitatum inopiæ solatium vinum è fructibus confectum; sed ut iste fructuum fervor adhibita aqua contumax non est, ceditque facile coquentis imperio calor, sic immane quantum incitetur vino quod & ipsum totum est in fervore positum: ut mustum in dolio, sic æstu vini fructuum succus effervesceat in ventriculo, ac postquam fervendo vires sibi fecit, tum sua memphiti corpus implet; hujus æstu concitatus sanguis ebullit, hinc febrium non unus ordo: sed & acrior post vinum calor, partes siccitate contrahit, intusque trudit in exiles viscera ductus quidquid est crassioris succi, putredine, vel acore, situque suo choleram, intestinorum detrimentum, vel difficilem diarrhæam post paucos dies parituri. Hanc omnem fervoris perniciem placidus eluit aque liquor, qui dum mites fructuum succos molliter dividit sibi que miscet, prohibet ne vel tenues acescant, vel crassiores ullius præter naturam *ῥυμῶσαι* vim & concitationem subeant: Hinc temperatior exurgit chylus qui macerata peregrino calore viscera recreat, totumque corpus æstivo caumate languens, blanda frigoris voluptate perfundit. Interim quod est à prima coctione superflui, aqua dilutum, amentia æstu intestina molli, pellit morantem alium, quod quantæ sit utilitatis norunt hi, quibus suppressus venter, pectusve ferit aut caput implet; norunt medici nullibi quam in hac parte magis occupati; scilicet æstuat in fundo ventriculi serum acre mordax & acutum, quod ceu è reliquiis enascatur alimenti, ceu illud æstuantis arteriæ fundant, ubi cibus se immiscuit, fervent hi plus æquo. Hinc quidquid est efferi & halitiosi partes superas, quidquid aquei renes petit; superest exsuccus cinis, segnes in alvo moras trahens, hanc tu ducere purgantibus frustra satagis, purgantibus incitatur vitium; frustra largo aquæ potu, quæ, fluminiis ritu, voluit secum quidquid est humoris obvij, referatisque directis in renes viis mictionem largam, parcam dejectionem facit; illa vis est fructuum præclata, qui simul ac ventriculo accepti, ardorem illico remittunt, acia viscerum colligunt, ebibunt, ac secum unâ per alvum innoxie derivant.

V.

EXOLESCAT igitur vulgaris illa vivendi regula quæ nuerum post crudum jactitat: an crudum est, quod inter æstivi caloris blandimenta mollitum, prædulcem ori saporem elaborati non sunt, crede mihi, coctionis ornamento deserti fructus, quibus est cum acuto sapore concinna temperies; sed crudus ab esu fructuum succrescat humor, an noxium censet qui serosa biliosaque viscera sorbet, ut ex mutua horum & illius implicatione temperies exurgat & sanitas; nec audiendi sunt illi qui cum vi-

num concupierunt, deliciarum patrocinium, in accusationem immerentis stomachi habent: imbecillitas stomachi nomen est inane, in causam inquire, hæc erit sæpe ingluvies, interdum καύρα ἰχθυόει, sæpius impura colluvies serosa, quæ ventriculo innatans, cibos pessumdat: vis imbecillitatem stomachi arcere, modico refrigerante cibo qui duram alvum molliat, hoc est fructibus cum aqua utere. An & glacie refrigeratis? Ubi præcordia bilis torret & stomachus solutus æstuque suo languidus, quærit aliquid quo erigatur, nihil utilius; sed in eligendis fructibus eos amplectere, qui nec acerbitate rigidi, nec maturitate defluentes, sed quibus est tactus cum molli jucunditate callosus. Acerbis succus inest agrestis, acidis saporis vehementia pectori infensa, picrocholis abstergendoque cibi fastidio non inuutilis. Ordinem sumendi quæris? Vix refert, si belle maturi. Ficus novissime estatæ, ultimæ evomuntur; fructus à pastu nidorem arcent fastidij parentem; nec aliud magis inter edendum, cibos & sapores aut excitat aut commendat; jejunis tamen & ante pastum opportuniore, in illis, fumis & obsita bile præcordia liberant, hic æstum compescunt & famem; sic nec solidioribus escis onerat se ventriculus, & ea caloris contemperazione in molliorem chylum definit concoctio. Quid plura? Quo vinum aqua temperie superat ac minus accescit, hoc & in concoquendis fructibus salubritate vincit.

Non ergo fructus vino temperati salubriores.

Proponebat Lutetiæ NICOLAUS DE JOUVANCI,
Parisiinus. A. R. S. H. MDCLXXIII.

PARISIIS,

Ex Typographiâ FRANCISCI MUGUET, Regis &
Illustrissimi Archiepiscopi Typographi, viâ Citharæ.